

皇朝分類名家絕句

上

PL2651
I79
v.1

LIBRARY OF CONGRESS
APR 16 1967
SERIALS ACQUISITION

明治庚午新春新刻

枕山大沼先生閱

皇朝

分類

名家絕句

全二冊

東京書林 萬青堂梓

Setsu Genkawa
Kōchō bunrui meka zekku.



序



余之幼时。先人教以日本
纪。及将军家语。色语等。法
出。是故。於本邦事。迹。可。列
泉。祀。之。先。人。且。谓。曰。此。可
後。遂。之。学。者。特。因。彼。朝。史

皇月八頁三又色月

大洛序

系。而情於我。物于迹。至是
甚矣。則我之識。南朝。亦至
此。子痛乎。余即看之。暇讀
新曲。至十。五。六。歲。始。文。詩
之。徑。音。竟。而。遂。先。人。之。志。而
博。氣。賦。家。名。石。門。氏。以。生

所編皇朝分縣詩鈔。請
余少引。余書此德。於後
進之不熟。於朝典云。明
治庚午。余言。喜。物。釋。然
日。東京。魏。山。老。人。撰。於。下
谷。與。了。堂。中。

皇朝分類名家絕句作者

後藤芝山

名世鈞字守中
讚岐人

釋大典

名顯常
近江人

中井竹山

名積善字子慶
大阪人

葛子琴

名張
大阪人

皆川淇園

名慮字伯恭
京師人

東藍田

名龜年
江戶人

釋六如

名慈周
近江人

柴栗山

名彦字彦輔
讚岐人

尾藤二洲

名肇字志尹
伊豫人

賴春水

名惟寬字千秋
安藝人

菅茶山

名晉帥字禮卿
備後人

市河寬齋

名世寧字子靜
江戶人

太田南畝

名覃字子邦
江戶人

古賀精里

名樛字淳風
肥前人

山本北山

名信有字天禧
江戶人

龜田鵬齋

名長興字穉龍
江戶人

村瀨栲亭

名之熙字君績
京師人

賴杏坪

名惟柔字千祺
安藝人

大沼竹溪 名典字伯經 江戶人

館柳灣 名機字樞卿 越後人

釋南山 名古梁字紹岷 仙臺人

葛西曰是 名質字休文 大坂人

柏如亭 名昶字永日 江戶人

太田錦城 名元貞字才佐 加賀人

大窪詩佛 名行字天民 常陸人

岡本花亭 名成字子省 江戶人

菊池五山 名桐孫字無絃 讚岐人

西島蘭溪 名長孫字元齡 江戶人

山地蕉窓 名寬字孟教 江戶人

宮澤雲山 名雉字神遊 武藏人

波多橘洲 名激字綠漪 京師人

古賀侗庵 名焜字季華 肥前人

佐藤一齋 名坦字大道 江戶人

野村篁園 名温字君玉 江戶人

朝川善庵 名鼎字五鼎 江戶人

田竹田 名孝字君彛 豐後人

辻元崧庵 名崧字山松 江戶人

卷菱湖 名大任字致遠 越後人

貫名海屋

名芭字君茂阿波人

梅辻春樵

名希聲字廷調近江人

市河米庵

名三文字孔陽江戶人

中島梭隱

名規字景寬京師人

賴山陽

名襄字子成安藝人

宮原節齋

門田朴齋

名鄰字堯佐備後人

篠崎小竹

名弼字承弼大坂人

廣瀬淡窓

名元簡字蕪卿豐後人

武登登庵

名質字景文備前人

草場珮川

名韡字楳芳肥前人

祝西舩

名希烈字廷輝近江人

梁川星巖

名緯字公畷美濃人

塩田隨齋

名華字士鄂伊賀人

石野雲嶺

名世夷字希之駿河人

龜田綾瀨

名長梓字木王江戶人

摩島松南

名弘字子毅京師人

釋梅癡

名秦同字白純阿波人

東條琴臺

名耕字子藏信濃人

寺門靜軒

名良字子温江戶人

劉石秋 名翥字君屬 豐後人

齋藤竹堂 名馨字子德 仙基人

牧野默庵 名古愚字真卿 讚岐人

齋藤拙堂 名謙字有終 伊勢人

安積良齋 名信字思順 奧州人

森田梅磧 名居敬字簡夫 土佐人

後藤松陰 名機字世張 美濃人

野田笛浦 名逸字希一 丹後人

藤森弘庵 名大雅字淳風 江戶人

江馬氏細香 名裊裊 美濃人

張氏紅蘭 名景婉字道華 美濃人

菊池溪琴 名保定字子固 紀伊人

奥野小山 名純字温夫 大坂人

長戶得齋 名讓字士讓 美濃人

庄原篁墩 名藍字彝卿 周防人

大槻磐溪 名清崇字士廣 仙基人

廣瀨梅墩 名謙字吉甫 豐後人

岡本黄石 名迪字吉甫 近江人

藤井竹外 名啓字弘哉 攝津人

遠山雲如 名澹 江戶人

村上佛山 名剛字大有 豐前人

長谷川昆溪 名域字子肇 江戸人

春田九臯 名鬻字秋翁 江戸人

澤井鶴汀 名桂字晚香 速江人

舟橋晴潭 名澂字秋月 武藏人

横山湖山 名卷字舒公 近江人

宗像蘆屋 名洋字聖護 筑前人

竹内雲濤 名鵬字九萬 江戸人

大沼枕山 名厚字子壽 江戸人

廣瀬青村 名範字世村 豐前人

嶺田楓江 名雋字士德 江戸人

森春濤 名魯直字浩甫 尾張人

鈴木松塘 名邦字彦之 安房人

頼支峰 名復字士剛 京師

鷺津毅堂 名鑿字文郁 尾張人

江馬天江 名聖欽字正人 近江人

廣頼林外 名孝字維孝 豐後人

頼三樹 名醇字士春 京師人

河野錢垞 名巖字夢吉 播磨人

家里松島 名衡字誠縣 伊勢人

關雪江

名思敬字弘道
江戸人

植邨蘆洲

名正義字子順
江戸人

通計一百人

凡例

一我邦古之學者於詩。親受法於唐。今之學者亦不可不私淑於唐。但其歲月之遠。邦國之異。有寡於彼而多於我。無於古而有於今者。故初學者於我邦事蹟。不肯輒賦。賦則陷於俗套矣。余曰。著此編以備詩例。後學者取法於彼。考例於此。以賦眼前之事。則可得轉俗而為雅也。

一元祿阜保諸集。今人不好誦讀。以故此編始於天明寬政。終於慶應明治。通計五卷。蓋隨得隨錄。非故為取捨也。若其遺漏。他日續之。編次當補之。

一初學者難賦古體。近體亦多賦七絕。故專錄之。六為其平素易誦也。

一凡分類者便於讀。然類多則失之於煩矣。此編分時序名勝。詠史詠物。題畫為五等。蓋時序名勝相兼者。各付之於關係之重。詠物亦然。陵廟付之詠史。像贊付之題畫。其間或無倫次。讀者諒之。

明治己巳臘月下澣 省齋石川介識

皇朝分類名家絕句卷之一

省齋石川介編

時序

元日口號

五山

快意莫如元日晴。烏輪生處彩雲擎。昨宵燈下看梅眼。
移向岳蓮殊覺明。

元日

星巖

喜無人客賀正來。初日搖光滿硯臺。免俗未能私自笑。
一盤春餅一枝梅。

卓酉元日

枕山

纈纈東風破宿雲。書堂端坐對初昕。案頭先展本朝紀。
朗唱 神皇登極文。

辛酉元旦

湖山

新逢寶曆屬辛酉。頓覺人間氛霧消。仰想三千年上事。
神皇即位是今朝。

乙丑元旦

枕山

微臣草莽樂陶然。起拜城東旭日天。私賀是山當大祭。
昇平二百五十年。

元旦自述

磐溪

上衣張翼下衣襟。趁早公門拜歲初。却是山妻理家事。

朝來蓬髮未遑梳。

戶戶松篁瑞靄多。女兒游戲趁春和。晴階交鬪彩球影。
唱出新年第一歌。

元旦詠門松

竹外

萬戶千門齊植松。梢梢早已引東風。却思昨日上樵擔。
來自深山冰雪中。

元旦洲崎觀日原三

五山

幾人鵲立拜新曦。一歲沙頭一度期。如此光華且復旦。
纔過今曉不聞知。

宮詞

芝山

鷄鳴 天子降東庭。口裏低低唱屬星。向曉黃櫨御衣冷。山陵拜罷出宸屏。

元正朝賀鼓聲催。御帳褰時八字開。祥日初升龍尾道。華夷齊拜冕旒來。

二日雪作戲述

枕山

天公下雪白皚皚。松竹梅花掩映來。恰有寶船堪買取。擬浮銀海問蓬萊。

新正二日夜戲為

蘆洲

幽人試枕寶船。吉夢維何我問吾。茄子鷹兒仍留士。梅花帳底此皆無。

新年雜述五首錄二

五山

太平妝點是兒童。男女遊嬉到處同。
彩鞠跳梁不離地。紙鳶跋扈欲凌空。

年節逢場酒更加。蹒跚婦去近昏鴉。
又尋隣巷投名紙。便是今朝已了家。

新正書懷

枕山

寄迹江湖樂意長。拜年不復伴他忙。
未能免俗真堪笑。猶著官人上下裝。

新正雨晝作

蘆洲

深泥陋巷晝無譁。詩手偏宜靜處叉。
艷曲一聲飛不到。

陌頭烟雨罷揚花。

平安早春

竹山

東山雲日欽寒威。鴨水春聲入禁闈。應有風流貴公子。晴郊殘雪摘蔬歸。

早春雜興 原十

星巖

堅臥貪眠不出廬。東風巷陌雪消初。暗知今日是人日。椎髻邠姑叫賣蔬。

辨得羹材手自調。杳然回首一魂銷。故山山下還如此。綠滿畦町撥雪挑。

黃昏沿路拾芳菲。綵繚有聲風掠衣。一角天西紅未了。

邨童仍放氣鷓飛。

春初雜題

柳灣

麗日光風開歲天。朱門松竹靄春煙。樓頭年少貴公子。
高捲珠簾看紙鷓。

霞關春色蕙煙霞。侯邨相連大道斜。面面開窓歡醉客。
爭拋錢物唱楊花。

南閨北閨冰方解。新莊舊莊梅半開。妙義祠邊副卯日。
游人髮上插符婦。

新春室中作

蘆洲

貧居翻幸似禪家。窄室留賓弄物華。佳卉一盆春影小。

半叢香白雪蓮花。

歌牌戲

蘆洲

環坐燈前細語勻。歌牌爭賭戲新春。將言兒女解風雅。逢雪月花開笑唇。

萬歲樂

花亭

逢逢拍節土伶歌。為感騅虞恩澤多。二百年來軍鼓絕。太平基創自三河。

萬歲曲

枕山

氛祲盡消天日祀。春風四海溢恩波。詞臣輸與田家子。先唱昇平萬歲歌。

江門節物詩

廿一首

弘庵

楊花真是可憐生也似無情也有情。獻媚何曾分冷熱。

家家門巷送春聲。唱楊花

人日謝河邊伯氏送七種菜

隨齋

臘八曾無七寶羹。滿籃忽見野香清。今朝多幸作人日。咬菜唯期百事成。

人日坐雨

五山

人日無人坐草堂。梅花猶是欠平章。雨膏偏沃東風菜。第一春羹言自香。

宮詞

芝山

子日仙遊出九重。從車如水騎如龍。郊原春滿恩光遍。
供奉千官引小松。

暖回後院草將萌。禁樹無風春鳥鳴。子日策筵批七種。
進來內膳佐和羹。

正月十日蛭子神祭

梅墩

求福何須懇禱深。偷然唯合絕貪心。生平不解世人算。

擲我真金買假金。是日肆上戲
作金錢版之

正月十五日即事

柳灣

老婦厨前烹粥成。新鶯檐外報晴鳴。情懷宛似故田舍。
時聽隣園嫁樹聲。

正月十六日戲述

枕山

千樹梅開新舊莊。寺樓放鑰錦旛揚。女兒不解尋芳去，漫擲金錢賽十王。

二月元午賽稻祠

六如

田祖祠邊梅柳春。今朝上午更良辰。闐闐伐鼓東風裡，餘胙殘壺饒醉人。

二月初午戲述

枕山

紅旆滿城蒼霧開。社頭趁曉鼓如雷。怪生鶉隊出林早，萬手鼕鼕鼓起來。

二月初午戲為

蘆洲

鼓鼙雷鼓湧春村。社酒吹香滿瓦盆。歲扈孤王大無狀。
萬頭白帟忽平吞。

宮詞

芝山

廟宮釋奠禮儀隆。盛德洋洋仰聖風。明日仙郎擎祭胙。
進來朝餉入簾中。

宮詞

藍田

終日魚龍戲後庭。藥欄宵靜護花鈴。深宮粉黛燈光下。
侍講同聽女孝經。

春陰忽晴

隨齋

惻惻春寒著帽行。輕雲忽散眼先明。梅花已老桃花未。

欲拆紅苞有小櫻。

春夜雨

崧庵

暖麗黃紉睡不輕。普騰歌枕向殘更。返魂丹在今宵雨。
喚起東山彼岸櫻。

春宵偶題

同

籬畔簷端淡淡風。三盃遣興弄吟筒。芳櫻園裡春宵月。
醉卧朦朧花影中。

答人索櫻花詩

五山

名花豈可著凡詞。祇足予他絕代姿。聖到少陵還自歎。
一生不作海棠詩。

春晴

隨齋

一隊兒童戲綠鼻。幾絲紙鷓共爭縲。天公忽借東風便。
跋扈騰空勢更豪。

翫花戲述

枕山

單瓣輕如飛燕瘦。重葩艷似玉環姿。漢唐驕主騎輕我。
燕瘦環肥一手持。

宮詞

芝山

左近仗頭春日遲。聖人遊豫在花時。新題獻霞同探韻。
學士高吟御製詩。

觀妓

枕山

姊妹相携玩物華。鸞裙鳳帶競紛奢。一年一度此時節。
出看城東城北花。碧傘齊張障夕曛。隅花雜沓簇紅裙。一聲擊柝儼成列。
也是人間娘子軍。

平安上巳書感

山陽

吹血東風鬧萬蹄。角雉秦晉迭排擠。九門今日放金鑰。
春苑縱民觀鬪雞。

上巳遊

善庵

上巳誰游女兒節。鏤金作勝羽儀新。香羹憐爾調晨膳。
齊季今朝學采蘋。

上巳雜祭

枕山

皇俗重二冠。令辰紅桃白酒滿筵春。長期子母俱全樂
兒女團樂祭紙人。

宮詞

芝山

翠華遊幸御溝邊。岸柳堤花錦繡連。禊飲流觴循故事。
新詩應詔許多篇。

春夜喜雨

竹外

桃花紅。諫菜花黃。細雨無聲濕夜廊。料得江船火明處。
香魚入網十分香。吾鄉以蕪菁花飯為香魚初候。

過某氏看櫻花草

二洲

消盡林頭三月雪。盆中五彩別成雲。誰知蝶駭人愁日。
春在君家猶十分。

余太嗜筆頭菜。人有嗤之者。戲答 六如

綠毫赤管天然筆。插地動遭農父鋤。客問放饒有何好。
倩渠且寫腹中書。

睡起

溪琴

雨氣蒙瞢春暮天。南軒夢破日如年。自嫌言語沈無味。
濕入金絲懶喫烟。

郊行所見

五山

碎盡瓊英雨始晴。村村籬落綠將成。一
株認得梨花雪。

不道人家有晚櫻。

宮詞

芝山

供御更衣明日是薰籠徹夜不停香。朝來殿上新鋪設
錦額画帷都改張。

更衣惜春和歌題

六如

黃公聲老綠初勻。織葛趁時刀尺新。節遲月進餘花左。
只是人情已不春。此歲四月十日立夏

朝更衣和歌題

五山

熟衣隨例換生衣。猶怯朝寒未解圍。却是楊花無錯節。
輕綿卸盡不停飛。

早夏雜詩原二

蘭溪

黍苗半寸似青秧。穀板新成在石林。鷺削蝶蛸人縛草。
如來郊外雨餘涼。

淮佛會

蓋洲

誰種無憂一樹根。外花插處萬人屯。甘荼聊復調香水。
學八龍王淮獨尊。

宮詞

芝山

內中浴佛奉浮盂。絲瀑寶山排比珠。香鉢齋盛五色水。
宮人頻灌小金軀。

初夏雜與

松南

雨後青山綠樹新。落花風裏送殘春。香魚上盡前湍水。
又放瓜皮摘紫莢。

聞鵲

枕山

一姓吾邦萬世尊。在天靈豈可吞冤。綠陰連叫無人拜。
杜宇終非占帝魂。

四月十七日作

雪江

焚香望拜昇山天。大典遙知事肅然。欽仰德輝如日月。
照東二百五十年。

紀事

磐溪

拜山期迫肅長街。綠樹新鵲夜月開。三尺竹筵一條錢。

驚天動地警人來。

謝谷川無町餉佳蘇

隨齊

八枝急櫓送佳藕。晚上魚場人疾呼。一擔飛奔供快飲。堆盤紅玉壓銀鱸。

食松魚

星巖

鶻啼夏木綠扶疎。正是鉤鐮入市初。劫火歷來能不死。天留饒口喫頭魚。

夏日

五山

滿簾晴日手如烘。梧葉雲搖細細風。聽得紗櫺賣深碧。曼聲一喚過牆來。

夏日雜題 原二

枕山

新裁白紵製單衣。蒲綠榴紅兩霽時。又是城中端午近。
家家旌旆画鍾馗。

刈菖蒲 和歌題

五山

碧抽蒲葉短交長。鎌手笑來亦太忙。賣與城中伴蒿艾。
滿村梅雨近端陽。

謝簡堂君惠菖蒲

弘庵

水蒲三尺劍光磨。嘉貺優於獲太阿。若問野人何所用。
不驅耗鬼伏詩魔。

端午

枕山

驟暑逼人端午初。兒衣裁得纈紋疎。貧家一領苦多費。
且省竿頭懸鯉魚。

端午

石秋

親王一戰壯神州。遺策於今滿四陲。欲示西方羊與犬。
家家畫幟幾貔貅。

五日偶題

星巖

貧居何以答端陽。瓶插菖蒲只漫香。想見朱門人賀節。
葛衣滿背汗如漿。

癸亥端午所見

枕山

節逼端陽海警頻。錢戈金甲護通津。市街猶見昇平象。

戶戶丹青紙曹人。

端午興和歌頭

五山

榴花紅拆與晴宜。漱灑蒲醪滿碧卮。醉興豪來鬼堪拉。且將一酌酌鍾馗。

宮詞

芝山

端午君王臨武殿。菖蒲戴着綴鵝行。宣頰藥玉知恩遍。續命靈絲五彩長。

五月某日雨中游浦里桐邨觀菖蒲花

磐溪

滿塘新漲欲侵田。綾瀨川頭浦里邊。濃紫淺紅蕪淡白。

黃梅雨裏鬪嬋娟。

梅雨晴

五山

城中昨夜送輕雷。日氣烘紅暑驟回。已作一年塩漬計。家家蘆箔晒黃梅。

宮詞

芝山

神泉池水綠波流。岸樹招涼氣若秋。釣線更垂香餌處。錦鱗先上至尊鉤。

夜聽水鷄

星巖

月浸秧田角角鳴。江東羈客夢先驚。玉妃祠畔舊時聽。又聽玉妃祠畔聲。

夜聽秧鷄

磐溪

池亭漸暗月將低。簾外秧雞角角啼。幽客眠醒欹枕聽。聲聲轉在柳灣西。

江門節物詩

十首之一

弘庵

画舫叢中湧醉歌。人言今日是開河。太平樂事君須記。十里無由見寸波。
開河

煙花戲二首

星巖

晴夜南山一道雷。迸星歷落半空來。中庭踞得胡床穩。喚做吾家觀象臺。

人工奪得化工權。頃刻春風花滿天。絕似山中修煉士。

丹飛汞走不成仙。

夏日都門雜詠

篁園

凌陰傳得周遺典。暑月朱門貯雪華。好是巖城供進後。也分寒色到千家。

六月十五日山王會

默庵

舞行歌隊逐番新。一國如狂恰此辰。錦綺滿街光炫目。誰知中有鬻妻人。

夏夜即事

蘆洲

灌罷園林夜趣長。古松陰裏一虛堂。茶爐殘火猶嫌熱。點向籠燈影乍涼。

夏日睡起

柳灣

獨臥風未睡。味長醒來殘。日下西牆門。前時有賣蟲過。
一搭秋聲報晚涼。

名越夜和歌題

五山

樹陰修禊枕。清流燈影碎。紅人影稠。炎毒一時全。澡盡。
洒然已飽舞。零秋。

江門節物詩 十首

弘庵

村巫鼓笛晚涼催。紙偶茅綵野廟隈。柳外笑聲青舫去。
水邊扇影麗人來。 過夏

七夕

寬齋

百尺青竿半紫雲。彩箋剪取五雲餘。天機元贊七襄妙。
枉被人間乞巧書。

池塘七夕

雲濤

洗車雨歇曉天晴。風動碧荷珠露傾。又是今朝清課在。

家家臨水滌燈檠。

俗傳今日洗燈
具散除油垢

江門節物詩

十首
之一

弘庵

纖月生明斜漢流。佳期珍重一年秋。家家綵紙多間語。
應歎人間不解愁。筱箋

宮詞

芝山

女伴同登乞巧樓。爭求蛛網列珍羞。含情斜倚闌干角。

一炷爐香拜女牛。

小園即事

米庵

籬下牽牛種幾叢。認牌不與去年同。人間變換花相似。

白化輕黃碧化紅。

晨興

枕山

行商入郭趁晨涼。歷擔碧花吹露香。多少人家殘夢裡。

沿他門口賣秋光。

七月十三日途中口號

星巖

一綫路通陂水西。涼風冷露草萋萋。黃昏祭掃人歸盡。

唯有寒蛩抱死啼。

七月十三日祭掃

星巖

曾侍爺娘祭祖先。爺孃亦已到黃泉。今朝和淚薦蘋藻。滿地荒苔細滴穿。

孟蘭盆展墓

梅墩

樹森森又草森森。露上人衣墓石沈。一點殘燈小枝豆。蟲聲如雨夜山深。

中元

淡窓

日落家家燈火開。衣香人影亂徘徊。誰知市上婆娑者。方是今朝哭墓來。

中元

佛山

中元邨巷亦繁華。處處踏歌燈似花。俯聽蟲聲仰看月。
悲秋情只屬詩家。

中元偶作

磐溪

舌耕纔解養全家。無奈書生拙計何。一笑古文餘澤及。
今年秋比去年多。

戊子中元

蘭溪

羹飯齋供祀祖初。招魂人客到僧廬。腐儒何誦冥文去。
一盞秋燈讀父書。

中元夜書事

星巖

一年燈事屬蘭盆。燈下游嬉人簇雲。只是無形看不見。

也應燈下鬼成群。

中元夜即事

星舫

片片秋雲似裂羅。天風和月上桐柯。新涼正是中元夜。
何處村街響踏歌。

中元夜即事

雲如

林蟬響罷暮鐘鳴。鬼女如花連臂付冥炬。看看紅已滅。
月明滿地踏歌聲。

奢侈風移多舊裙。昇平日久少青燐。荒陬流落吾何意。
羨見松楸掃墓人。

中元月

春樵

火大字消徒吊天。誦經人散鴨隄烟。月夜如意峰頭出。
偏照橋空磯靜邊。

供佛萬家燈未殘。月明却是少人看。牽牛花露盆荷影。
獨占涼光到夜闌。

七月十六日戲作

蘆洲

蘭盆會過正新涼。結伴老姑升法堂。換却平生夜叉相。
學他菩薩媚空王。

二十六夜待月

蘆洲

一更更盡一擡頭。候月山亭七月秋。記得去年江墅宴。
微涼殘夜水明樓。

藩大夫泉田君見惠宮城野鈴蟲

鐘即金賦此奉謝

磐溪

茅檐來伴讀書燈。露滴小籠秋氣澄。四壁吟蟲歸一寂。
清聲響徹磴稜稜。

戲贈賣蟲人

星巖

織腔各自奏清商。蟋蟀琵琶紡績孃。能縮郊墟來入市。
人間復見費長房。

過光蓮寺看白菖花

隨齋

夜放光明現白衣。滿身瓔珞綴珠璣。禪庭秋綻觀音菊。
萬點素葩輕露飛。

食香魚

星巖

芙蓉紅淺雨初涼。鰕鱖銀刀落夜梁。一段人生快心事。香魚時節在家鄉。

食香魚

雲如

潑刺銀梭飛晚香。出籃早已鼓饒腸。幾分省却自家醉。大椀盛醪賞閔郎。

十五夜戲詠

星巖

古往今來河水流。滿天風露又中秋。龍鍾未死將何幸。月下鋪筵啗芋頭。

江門節物詩十首

弘庵

老妻偏慣貧家樣。手製粉團如月團。但使纍纍總依舊。
何妨不醉綺羅筵。月團

宮詞

芝山

北方貢馬幾多蹄。驥種龍媒齒始齊。御覽罷時頒賜

遍。殿前躑躅向風嘶。

秋夜清涼御四絃。月前髣髴降飛仙。妙音劉亮分明語。
此調人間不許傳。

月夜步禁垣外聞笛

栗山

上苑西風送桂香。承明門外月如霜。何人今夜清涼殿。

一曲霓裳奉御觴。

自真類文卷之二
秋 日 雜 永

原 十
二

茶 山

矮松疎篠兩三家。芋圃麴畦路幾叉。稚子歸來有矜色。
數莖紫葦貫茅花。

洛陽花子已能生。可許新芽綠欲平。更喜老根猶未死。
嬌紅時亦發殘英。

梧竹秋聲入晚晴。遙看遠水日添明。檐前風動觀音菊。
露落窓櫺點點清。

隣僧乞我小園芳。蕃菊胡枝秋海棠。忽挈一籃來作報。
帶泥松蕈滿厨香。

回 鄉 絕 句

原 二

絕佳風味聚吾鄉。白首歸來滿意嘗。好在溪山秋次第。
鱸魚香老蕈花香。

西山採蕈十絕句

三錄

六如

微蹊曲折肯空過。平處稀疎險處多。荆棘鉤衣何過得。
劃看張傘立前坡。

穿谷凌峯各自廬。一群分散似相迷。有時絕叫振林木。
得雋知他氣正豪。

蒸炮脆滑若為珍。放箸蕭然感又新。禾縮豈無金駉裹。
傳馳已減玉精神。

采蕈三首

茶山

松間驚步入香風。苔滑泥黏路幾窮。不分前人先有獲。
喜聲遙在白雲中。

枯枿掀泥薜氣陽。落釵埋屋露華香。心知此處多尤物。
先掃松根安竹筐。

倦呼諸伴急飛觴。來聚無人不帶香。較獲相誇筐裏重。
笑聲應谷響磅礮。

采葦行

栲亭

朝朝齋楹出城闔。箇箇無非采葦人。踏破雲煙鬧如市。
山靈何處避囂塵。

趁香士女涉孱顏。鈎袂裂裳荆棘間。負多眇昧不離地。

終日在山誰見山。
遊踪鋸續近城山。
杖到都無一尺間。
山人日日無由給。
買葦通宵插樹間。

鬲葦八首

五錄

詩佛

曉來催伴手携籠。
葦蕩分搜入各叢。
脚力未嘗無健在。
應須得雋策元功。

縷藤攀蔓上岩稜。
朝露未乾苔似蒸。
脆滑新抽三四箇。
一聲大呼我先登。
呼去聲

坡陀已過渡清溪。
密樹陰中晝欲迷。
簇簇菌花張傘盡。
更遲三日爛成泥。

纔來城市色多驚。爭似林間香味全。如今初覺野人貴。
玉食無妨嘗此鮮。
瑩潔割珠酥。面勻蔬中無復此奇珍。不須湯滌火熏貯。
急合分張及四隣。

采蕈五首

三錄

拙堂

觸岩披棘步艱辛。深入猶期先獲珍。忽遇松根兩莖秀。
隔雲狂喚後行人。

滿籃香蕈佐行厨。同到山巔坐紫榆。落後老奴呼不應。
莽茫滄海拾遺珠。

就地為爐火烈揚。蕈花煨熟滿盤香。全山任我下塩鼓。

肯憶吳萼千里羹。

宮詞

芝山

紫宸御帳遇重陽。繫著茱萸小絳囊。菊酒齊霑垣下座。翩翩詞翰弄秋芳。

九月十三夜賞月

昆溪

異域惟知三五月。不知斯夕歷中秋。偶然聖主為吟賞。頓使素娥名更優。

九月十三夜觀月

佛山

節後黃花香未殘。併將清影上欄干。西人不識今宵月。付與海東隨意看。

九月十三夜

如亭

不似朱門絲竹遊。一夫一婦一丫頭。滿盤芋栗茅堂酒。亦是三杯後月秋。

十三夜即事

茶山

中秋正閏並清明。今月今宵亦快晴。三度佳期無一負。况逢吟侶每尋盟。

十三夜賞月

竹溪

紺滑寒空湛月華。林樛不定起啼鴉。數曲絲桐宜靜夜。半盤芋栗稱貧家。

十三夜三首 錄

磐溪

弘仁以後足詩人。帝勅金匱畫寫真。滿眼風流撐不
得。又將明月補佳辰。

賞月三更酒已醺。詞壇猶未策微勳。憶他英將并能越。
橫槩秋風送雁聲。

九月十三夜河邊伯氏見送青苴賦二絕謝之

隨齊

中秋空過月將圓。只覺西風病骨寒。綠芋作羹如昨日。
豆花成莢已登盤。

十三夜無月友人宅席上作

六如

不妨風雨妬佳期。護燭簾幃酒散遲。更有寒強能會意。

替人唧唧說秋思。

秋晚

溪琴

偶向秋山携孟光。草綿裘作野人裝。行行且摘霜餘薑，
不覺已吹盈把香。

落葉青苔山路賒。林柯影倒夕陽斜。家姬貪採婦羞晚，
滿袖寒香野菊花。

秋寒

靜軒

霜染楓林秋可憐。雁來幾日早寒天。緼袍更別裁無布，
徑把單衣著舊綿。

行圃

星巖

葛巾藜杖繞畦行。愛此曉園風露清。老蔓花開碧羅幙，
殘茄子結紫膨脝。

喫麵

六如

新蕎頃頃累厨監。信地貢餘尤不凡。偏覺清癯稱清味。
遮渠不道老僧饑。

碩茂供蕎麩云家所製

寬齋

清竒不減信中嘗。蘿蔔霜寒氣更香。纖巧誰回機上手。
銀絲繅出萬條長。

過田家食新麩日戲作

星巖

銀絲十丈卷滷沱。風味竟知田舍多。不把一丸蘿蔔火。

小姑懊惱奈君何。

茶室開爐

石秋

寒氣新時茗會新。焚檀插菊引佳賓。竹爐煙煖宜人意。
占得熙熙一室春。

十月二日震災記事

枕山

千家一瞥忽為烟。檢火官來巡路邊。大地搖搖餘震在。
知他乘馬似乘船。

破障縱橫護蔽壇。全家露坐五更天。有時四顧星連野。
喚做寒江夜泊船。

岩檣之下避其危。數口還能免此離。五束濕薪三斗米。

依人古竈試新炊。

將言天道果非耶。歷救生靈似不知。載鬼一車今見此。
長街趁暗挽橫屍。

宮詞

芝山

曆日履端欽昊天。中書進奏紫宸前。帳東掌侍開函候。
主上親安式管邊。

新嘗祭後豐明節。白黑酒盃息更深。帳外方調天樂處。
書司來進六絃琴。

十一月初六日謁鷲神祠

磐溪

律中黃鐘其日酉。都人爭賽鷲神祠。水村不待寒梅發。

到處晴風動酒旗。

酉日市

雪江

髮影衣香路作埃。祈祥皆賽酉神來。村商要客買歸遺。縮得竹枝穿芋魁。

冬晴

柳灣

九街晴色弄冬晴。撲面香埃陣陣翻。年少誰家賽神女。錦鞋繡帶坐肩端。

冬日雜興

雲濤

演劇場仍角觝場。北觀新戲各如狂。男兒東去女兒北。衝破寒釐曉光。

宿山家

磐溪

縮身被底曲如弓。殘月影穿窓隙風。忽有隣翁報奇事。
獵人昨夜縛寒熊。

聞霰

枕山

瓦篩聽罷又階跳。歎耳沈吟坐半宵。上界應憐寒餓士。
撒將玉粒墜層霄。

雪意

雪江

寒林風死暮悽然。垂地同雲壓馬韉。欲獲仙禽獻
天子。將軍親獵小松川。

宮詞

芝山

好文 天子愛才賢。侍女能諳白氏編。猜得香爐峰雪
謎。含羞起傍翠簾寒。

雪夜 君王親萬機。不言寒氣透書幃。聖心深恤凍民
苦。試捲珠簾減御衣。

龍口潺湲凍不流。葭灰氣動大寒飀。司天奉
詔行時
令。半夜宮門立土牛。

園司選得紀家梅。去歲移栽內裏來。歌詠空留鶯宿跡。
九重春早雪中開。

殘臘宮中排法筵。佛名唱遍萬三千。內人簾下催宣賜。
如雪新綿被衲肩。

山村冬暮

五山

梯田繞屋晚禾稠。苦恐磨廢來作憂。
板鳴溪響如砲。山村防暴足奇謀。

歲晚偶興

星巖

藥餌香中晝掩扃。從他歲事太忙生。
掃塵纔了又春餅。臥聽冬冬磔磔聲。

歲晚即事

枕山

敢言多病故人疎。空際翩翩幾紙書。
餽歲北南勞遠餉。濃州香米越州魚。

掃塵

茶山

帙書裹藥事紛如。還咲塵器難可除。晚飲帚箕纔出戶。
已逢催稅走薰胥。

臘市

裙釵冠履聚成叢。臘市繁華逐歲雄。尤是多男昭運象。
婦人都帶破魔弓。

歲市

蕭寺塵喧臘月過。人聲洶湧如波。爭私龍斷龍山市。
誰是場中網利多。

撒豆

撒豆家家鬧電聲。誰知老境易傷神。婦孺茶熟燈前笑。

弘庵

石秋

蘆洲

欲為衰翁算歲庚。

除夕

星巖

故去新來送且迎。百年此夕太忙生。爐頭淺酌聊成醉。
臥聽_中吐吐歲市聲。

宮詞

芝山

中書除夕點玉卿。進奏諸門分配名。方相玄衣率偃子。
黃金四目作_中儺聲。

夜市買梅

柳灣

欲弄橫斜窗外影。買梅先揀峭寒姿。從教市叟昂論價。
白玉梢頭月上時。

白王梅市日土報

蘆洲

春路芳塵拂面飛。萬燈照歲耿春暉。恍然身入羅浮市。滿眼佳人畫縞衣。

黃金四目升轡贊

中書制又探王懶。並奏詩門合酒子。古賦文亦率則下。

宮陪

芝山

相親四正嶽市贊

姑去保來幾且恒。百平地之次升主。數腹疾酒唯如猶。

劍心

呈巖

皇朝分類名家絕句卷之一



PL2651
.I79.
v.1

